



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Liber dissencionum archiepiscopi Coloniensis et Capituli Paderbornensis**

**Dietrich <von Engelsheim>**

**Münster, [1893-1897]**

89. De admissione domini ad administrationem ad iuramento fidelitatis ei  
prestito.

[urn:nbn:de:hbz:466:1-54427](https://nbn-resolving.org/urn:nbn:de:hbz:466:1-54427)

89. Do de vorgenannten unses genedigen heren van  
 1415 Colne procuratores dusse vorgenompten breve deme ca-  
 2. Oct. pitele to Paderborne gebracht hadden unde se darmede  
 geesched, den ergenompten heren totholaten also einen  
 administratorem, do leten se en na inholt der breve tho;  
 so wen he solven keme tho Paderborn, dat he dan solde  
 sin jurament doen, also eynem biscope van Paderborn  
 wontlik were to donde. So kam he darna up tyd, hirvor  
 in dem juramente de data holt, to Paderborn. Dar  
 entfenk men en mit processien, crucen, vanen unde tegen-  
 gange — vel lude — unde brochte en up den kor, satte  
 en up den altar unde sank „The Deum laudamus“.  
 Unde vorden en do up dat capitelhus, dar dede he sin  
 jurament hirvor bescreven unde besegelde dat, unde vort  
 andere breve, so wontlik is, up privileia unde vorbunt-  
 nisse. Do na twey uren na mitdage wern to hope  
 borgermestere, reide unde gemende up dem closterhove.  
 Dor gingen de domprovest unde capitel van Paderborn  
 to den ergenompten van Paderborn unde heten se, deme  
 ergenompten unsen hern huldigen. De borgermester sede,  
 eff se et doen solden, unde se dat heten; do seden dat  
 capitel ja. So stunt dar her Johan Westphal ritter  
 vnde sede en vor den eit in maten hirna bescreven  
 steyt, unde deden ere huldige. Do seten up mede de  
 domprovest her Wedekint Spegel, her Hinrich Westphal,  
 her Herman van Oyenhusen unde her Steven van der  
 Malsburg unde reden mit dem ergenompten heren to  
 Wartberg, Brakele, Borgentrike unde Nym unde heten  
 de huldigen. De so alle uprichteder vinger, stauedes  
 eydes to den hilgen sworn, vnser leuen vrowen, sinte  
 Liborio unde Kiliano, dem jegenwordigen hern Diderich  
 unde sinem capitele to Paderborn truwe vnde holt to  
 wesen; dat en Got helpe unde al sine hilgen. Unde

scagh an sinte Remigius dage, dat was secunda dies Octobris, anno Domini MCCCCXV in presencia multorum, darto vor notarien eischet worden her Hinrich Sculdern unde her Hermann Nasen.

Reverendo et venerabilibus domino administratori, decano et capitulo ecclesie Paderbornensis, amico et in Christo nobis dilectis!

Unsen gruss zuvorn, erwirdiger unde ersamen liben **90.**  
 bysunern frunde! Et sint byein gesamet gewest unse **1421**  
 heren de korvorsten am Ryne unde wir mit en, geystlich **5. März.**  
 unde wertlich unde haben myt eyn geredet, bysunner  
 under andern sachen ouch beslossen, nemlich in solcher  
 irrunge unde ungeloben, der sich swerlichen erhoben hat  
 unde irstanden ys in dem konincriche zu Bemen, also  
 iuwer libe lichte wol vornomen magh haben. Also unse  
 her vader der pabst Martinus ind unsse genediger her,  
 her Sygemunt, Romischer konink, uns darzu ermant unde  
 treflichen geschriven hat, daz wir alle darzu mit heres-  
 maght thuen ind ouch dru<sup>1)</sup> wochen nach ousteren nest  
 komen zu ussem genedigen heren, den Romischen koninge  
 zu Nurenberg syn ind myt siner gnaden zu rate waden<sup>2)</sup>  
 wollen, wy men zu den zachen thun unde dy vortilgen  
 moge; darzu zollen wir dri ertzebiscope ind korvorsten  
 zu Mentze, zu Colne ind zu Tryre eyn itlichen unser  
 provincien steten bystimmunge bestellen, daz, zolange  
 dusser herzog<sup>3)</sup> waret, daz dem almechtigen Gote alle  
 wochlich, myt namen uff den fridagh in allen kirchen,  
 stifften unde parkirchen eyn lobelich misse van dem  
 hilgen unssem Heren, eder van dem hiligen Geyste, eder  
 van unser vrowen zu troste unde genaden dem hilgen  
 cristengeloben unde allen den, de widder soliche unge-

<sup>1)</sup> drei. <sup>2)</sup> waten, schreiten, kommen. <sup>3)</sup> Heereszug.